

CONVENIO DE COLABORACIÓN ENTRE A CONSELLERÍA DO MAR E A CONFRARÍA DE PESCADORES SAN XULIÁN DE A ILLA DE AROUSA PARA A REALIZACIÓN DO PROXECTO DE RESTAURACIÓN DE HÁBITATS E ZONAS DE PRODUCCIÓN MARISQUEIRA

MEMORIA XUSTIFICATIVA

A directora xeral de Desenvolvemento Pesqueiro da Consellería do Mar, **DECLARA:**

Que esta Dirección Xeral de Desenvolvemento Pesqueiro formalizou ca Confraría de Pescadores San Xulián de A Illa de Arousa o instrumento convencional arriba referido por un período de vixencia que abrangue dende o día da súa sinatura ata o 31 de decembro de 2027.

Que o instrumento convencional ten por obxecto:

Establecer a colaboración entre a Xunta de Galicia, a través da Consellería do Mar, e a Confraría de Pescadores San Xulián de A Illa de Arousa para elaborar un plan de recuperación dos bancos marisqueiros, vinculado unicamente ao episodio de baixada da salinidade do ano 2026.

Os obxectivos específicos a acadar con dita proposta son os seguintes:

1.Programación de traballos de conservación, mantemento ou mellora

1.1. Acondicionamento e/ou emenda do substrato: Remoción do substrato para o acondicionamento, descompactación e osixenación.

1.2. Control de depredadores/competidores: Retíranse postas e individuos manualmente.

1.3. Retirada de restos orgánicos e inorgánicos : O colectivo retirará os restos de algas de arribazón do sustrato coa axuda de rastrillos. Faranse cadeas humanas e coa axuda dos baldes irán transportando as algas ata un remolque que irá anclado no tractor. Unha vez cheo destinaranse a fins hortícolas. Se non se pode acceder a praia co tractor recolleranse en big bags e será o concello o encargado da retirada e xestión destes residuos.

1.4. Rareos e traslados : @s mariscador@ recollerán os individuos rareando os existentes nesa zona con axuda de un gancho. Os individuos recolectados serán trasladados e sementados noutra zona próxima que previamente será acondicionada para a recepción destes.



1.5. Tarefas en sistemas de preengorde en zonas acotadas: A semente métese en lanternas que van fondeadas en uns anclaxes no pantalan a unha profundidade variable dependendo da época do ano. A estas lanternas fáiselle un mantemento cada quince días aproximadamente. Si se fai preciso, faise desdoble da semente.

1.6. Sementeira: Acondicionarase o substrato previamente e sementarase a pé ou dende embarcación.

2. Accións de control, seguimento, protección e vixilancia dos bancos marisqueiros.

2.1. Vixilancia: Dependendo do banco distribuiranse en grupos de tres a cinco persoas e farán vixilancias visuais ao longo das praias.

2.2. Participación nas mostraxes e seguimento: Previamente marcados os puntos de mostreo, irase punto por punto recollendo o substrato acotado. Lavarase con auga a area para quedar só coas especies aparecidas en cada punto. Estas gardaranse en unha bolsa marcada co nome do punto. Recollidas as mostras procesaranse facendo distinción de especie e medindo cada individuo e unha vez obtidos os datos as mostras serán devoltas ao medio onde se recolleron.

En particular, o convenio regula os compromisos das partes para a execución conxunta das mencionadas actuacións, incluíndo a organización do traballo, a xestión e xustificación da realización das mesmas, os dereitos e obrigas das partes, a distribución dos fondos e a titularidade dos resultados, así como a resolución dos posibles conflitos.

Que existe converxencia de intereses entre as entidades asinantes en orde á consecución do obxecto referido.

Que o instrumento convencional asinado se fundamenta no seguinte:

– O Regulamento (UE) 2021/1139 do Parlamento Europeo e do Consello, do 7 de xullo de 2021, polo que se establece o Fondo Europeo Marítimo, de Pesca e de Acuicultura (FEMPA), establece o seguinte obxectivo para o período 2021-2027: "Manter a pesca como actividade produtora sostible mediante a xestión sostible e a conservación dos ecosistemas mariños". Por outra banda, a prioridade 1 do artigo 3 do citado Regulamento 2021/1139 fai mención a "fomentar a pesca sostible e a recuperación e conservación dos recursos biolóxicos acuáticos", desenvolvendo obxectivos específicos entre os que se atopan: reforzar as actividades pesqueiras que sexan económica, social e ambientalmente sustentables, obter datos fiables que permitan tomar decisións baseadas no coñecemento e contribuír á protección e á recuperación da biodiversidade e os ecosistemas acuáticos.



Actuación cofinanciada polo FEMPA nun 70% – Programa para España FEMPA 21-27 CCI 2021ES14MFPR001 [Prioridade 1 – O.E. 1.6 – T.A. 1.6.1 – T.I. 6]
OIX: Dirección Xeral de Desenvolvemento Pesqueiro

No artigo 14 do devandito Regulamento (UE) 2021/1139 establécese que o apoio no marco desa prioridade 1 abarcará intervencións que contribúan á consecución dos obxectivos da PPC establecidos no artigo 2 do Regulamento (UE) 1380/2013, do Parlamento Europeo e do Consello, do 11 de decembro, por medio de determinados obxectivos específicos, entre os que se atopa o de contribuír á protección e á recuperación da biodiversidade e os ecosistemas acuáticos.

– Os proxectos aprobados financiaranse nun 70% con cargo ao Fondo Europeo Marítimo, de Pesca e de Acuicultura (FEMPA).

– O Consello da Xunta de Galicia, na súa reunión do día 22 de xuño do 2026, autorizou a tramitación do convenio entre a Xunta de Galicia, a través da Consellería do Mar, e a Confraría de Pescadores San Xulián de A Illa de Arousa para o desenvolvemento do Plan de recuperación dos bancos marisqueiros, vinculado unicamente ao episodio de baixada da salinidade do ano 2026.

– O convenio asinouse o día 26 de xuño do 2026.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, de 8 de novembro, de Contratos do Sector Público, ou doutro instrumento alieo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2 da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria.

Santiago de Compostela, na data da sinatura dixital

A directora xeral de Desenvolvemento Pesqueiro

María de los Ángeles Vázquez Suárez

